

春秋左傳類解

春秋左氏傳序

左丘明魯太史也受春秋於孔子親見行事故其言該而中倫其實著而寡謬雖其裁斷大義或戾聖人而其文蔚然可觀也漢初其書出於張蒼之家傳者甚鮮逮賢詎始爲訓詁建武以後博士有官而諸儒授受以擢

高第爲講卽矣于是賈逵服虔並爲
註解晉杜預有經傳集解唐長孫無
忌有正義而說者以杜註爲優至於
今左氏之學賴以不衰

國家于春秋雖專以胡傳取士而考論
往蹟非左氏則何所於稽近世士大
夫崇尚文詞至於字被而句擬之何

其說之盛歟予暇亦愛覽是書故命
承奉王大用刻布焉刻成予復覽而
興曰春秋之時王綱不振列國各以
其政爲政強凌弱衆暴寡亂臣賊子
接跡而肆故春秋作焉以命德討罪
惇典庸禮今

朝廷出片紙以令天下其誰不奔走服

從即使五霸有作將焉假力哉故予
之取左氏者文也仰惟我

皇上稽古右文講學不倦將興唐虞三代
之功頃以

御製敬一箴頒示我諸藩予雖不敏敢不
敬承是舉也雖不足以上希前哲蓋
亦竊取爲善最樂之義嗚呼則文

類以遵仲尼、儒者之事也。昭德秉禮，以無墜周公之典，其在予也。夫書刻之精，否固所略云。

昔嘉靖戊子黃鍾上澣

劉歆曰夫大好惡與聖人同親見夫子而公穀在七十子公傳
聞之與親見其評畧不同也

希玄子書於寶賢堂

春秋左氏傳序

春秋序

此元凱所作既以釋經故依例首之本或題為春秋左傳序者沈文何以爲釋例序今不用

唐國子博士兼太子中允贈齊州刺史

吳縣開國男陸德明釋文附

春秋者魯史記之名也記事者以事繫日

繫工以日

繫月以月繫時以時繫年所以紀遠近別同異也

別

列故史之所記必表年以首其年有四時故錯舉以

爲所記之名也

錯七各反

凡有史官掌邦國四方

之事達四方之志諸侯亦各有國史大事書之於策

策本又作冊亦作莢同初章反

小事簡牘而已

牘徒

孟子曰楚謂之

檮杌晉謂之乘

孟子書名姓孟名軻字子與鄆邑人與齊宣王同時人著此書檮徒力反

机五忽反構机四凶之一杜云頑凶無而魯謂之春
構匹之說乘純證反車乘也一云兵乘

秋其實一也韓宣子適魯宣子名起晉大夫適魯在昭二年見易象

與魯春秋曰周禮盡在魯矣盡津忍反後放此吾乃今知周

公之德與周之所以王王于泥反又如字韓子所見蓋周之

舊典禮經也周德既衰官失其守上之人不能使春

秋昭明赴告策書告古毒反一音古報反諸所記注

注聚住反字或作註多違舊章仲尼因魯史策書成文考其真

偽而志其典禮上以遵周公之遺制下以明將來之

法其教之所存文之所害則刊而正之刊若干以示及削也

勸戒其餘則皆即用舊史史有文質辭有詳略不必

改也故傳曰其善志又曰非聖人孰能脩之蓋周公

之志仲尼從而明之左丘明受經於仲尼以爲經者

不刊之書也故傳或先經以始事先悉或後經以終

義後戶或依經以辯理或錯經以合異隨義而發其

例之所重重直用反舊史遺文略不盡舉非聖人所

修之要故也身爲國史躬覽載籍必廣記而備言之

其文緩其旨遠將令學者令力呈反下原始要終要

進尋其枝葉究其所窮究又優而柔之使自求之饜

而飫之饜於醢反使自趨之趨七住反若江海之浸

煖煖于膏澤之潤膏古渙然冰釋渙呼怡然理順怡以

均反

然後爲得也其發凡以言例皆經國之常制周公之

垂法史書之舊章仲尼從而修之以成一經之通體

其微顯闡幽闡昌善
反明也裁成義類者皆據舊例而發義

指行事以正褒貶褒保刀反貶彼檢
反字林方犯反諸稱書不書先

書故書不言不稱書曰之類皆所以起新舊發大義謂

之變例然亦有史所不書即以爲義者此蓋春秋新

意故傳不言凡曲而暢之也暢勅
亮反其經無義例因行

事而言則傳直言其歸趣而已趣七
住反非例也故發傳

之體有三而爲例之情有五爲于偏反
如字一曰微而顯

文見於此見賢遍
反下同而起義在彼稱族尊君命會族尊

夫人

音會

梁亡城緣陵之類是也二曰志而晦約言

示制推以知例參會不地

參七南反又音三

與謀曰

與音預及

之類是也三曰婉而成章

婉於

曲從義訓以示大順

諸所諱辟

辟本亦作避音同後放此

璧假許田之類是也

假古雅反後不

音者

四曰盡而不汙

汙於俱反曲也

直書其事具文見意丹

楹刻桶

楹音盈刻音克桶音角

天王求車齊侯獻捷之類是也

捷在

五曰懲惡而勸善

懲直

求名而亡欲蓋而章書

齊豹盜三叛人名之類是也推此五體以尋經傳觸

類而長之

長丁

附于二百四十二年行事主道之正

人倫之紀備矣或曰春秋以錯文見義若如所論則

經當有事同文異而無其義也先儒所傳

傳直皆不

事反

其然答曰春秋雖以一字為褒貶然皆須數句以成

言

數色主反下同

非如八卦之爻可錯綜為六十四也

綜崇朱反

固當依傳以為斷

斷丁反

古今言左氏春秋者多矣今

其遺文可見者十數家大體轉相祖述進不成為錯

綜經文以盡其變退不守立明之傳於立明之傳有

所不通皆沒而不說而更膚引公羊穀梁

膚芳于反適足

自亂預今所以為異專修立明之傳以釋經經之條

貫

貫古反

必出於傳傳之義例摠歸諸凡推變例以正

褒貶簡二傳而去異端

去起呂反

蓋立明之志也其有疑

錯則備論而闕之以俟後賢然劉子駿

駿音俊子創駿劉歆生創

通大義

創初亮反字亦作翔

賈景伯父子許惠卿皆先儒之美

者也未有潁子嚴者雖淺近亦復名家

復扶又反下同

故特

舉劉賈許潁之違以見同異

見賢過反下同

分經之年與傳

之年相附比其義類

比吐志反

各隨而解之名曰經傳集

解又別集諸例及地名譜第歷數

譜本又作誼同布古反數所具反後

不音者皆同

相與爲部凡四十部十五卷皆顯其異同從

而釋之名曰釋例將令學者觀其所聚異同之說釋

例詳之也或曰春秋之作左傳及穀梁無明文說者

以爲仲尼自衛反魯修春秋立素主

王子況反下王魯素王同立

明爲素臣言公羊者亦云黜周而王魯

黜勅律反

危行言

孫

行下孟反孫音選本亦作遜

以辟當時之害故微其文隱其義

公羊經止獲麟而左氏經終孔立卒敢問所安答曰

異乎余所聞仲尼曰文王既沒文不在茲乎此制作

之本意也歎曰鳳鳥不至河不出圖

出如字又

吾已

矣夫

夫音扶下若夫同

蓋傷時王之政也麟鳳五靈王者之

嘉瑞也

瑞垂今麟出非其時虛其應

應對之應

而失其

歸此聖人所以爲感也絕筆於獲麟之一句者所感

而起固所以爲終也曰然則春秋何始於魯隱公答

曰周平王東周之始王也隱公讓國之賢君也考乎

其時則相接言乎其位則列國本乎其始則周公之

祚胤也

祚才路反胤以刃反

若平王能祈天永命紹開中興

仲隱公能弘宣祖業光啓王室則西周之美可尋文

武之迹不墜

墜直類反

是故因其歷數附其行事采周之

舊以會成王義

王如字又于沉反

垂法將來所書之王即平

王也所用之歷即周正也

正音政讀者多音征後皆放此所稱之公

即魯隱也安在其黜周而王魯乎子曰如有用我者

吾其爲東周乎此其義也若夫制作之文所以章往

考來情見乎辭言高則旨遠辭約則義微此理之常

非隱之也聖人包周身之防

包必交反防扶放反又音房

旣作之

後方復隱諱以辟患非所聞也子路欲使門人爲臣

孔子以爲欺天而云仲尼素王立明素臣又非通論

也論力先儒以爲制作三年文成致麟既已妖妄又

引經以至仲尼卒亦又近誣近誣如字近音無據公

羊經止獲麟而左氏小邾射邾音亦不在三叛之

數故余以爲感麟而作作起獲麟則文止於所起爲

得其實至於反袂拭面袂音世反稱吾道窮亦無取

焉

春秋序終

春秋左傳類解目錄

卷之一

周

卷之二

魯

卷之三

魯附邾小邾

卷之四

宋

卷之五

杞

卷之六

陳

卷之七

滕

薛

卷之八

齊

卷之九

紀

卷之十

莒

卷之十一 晉

卷之十二 晉

卷之十三 號 虞 秦

卷之十四 鄭

卷之十五 許

卷之十六 衛附邢

卷之十七 曹

卷之十八 蔡

卷之十九 吳 越

卷之二十 楚

春秋左傳類解凡例

春秋明倫理扶世立教之書也周衰道微是非不明孔子取魯史往事斷是非書要以示人因實行明道不專紀載故其文主義約而嚴左氏因經脩魯史廢遠而失事本末詳記載以釋經故其文主事博而浮學者必先知傳事然後能得經義舊傳編年絕知次序又牽他說不便初學因僭妄分國仍書經編年於上非敢破碎聖言蓋欲通一國盛衰盡一事首尾以知是非所在不至鑿空說經亦得以經斷傳謬傳補經闕

若夫博以反約決大疑處事常變不失中未必
不本此也

一公穀二傳各去取附書於後或義非而事詳者
則取其事或事畧而義精者則取其義或義事
無足取而文難釋者亦取其文爲註釋恐初學
不解所謂以亂道也

一理在人心而事本紀載得事之真而是非自分
如不得桓公子糾兄弟實故經乾時戰曲說不
得夏父叔術讓國事故傳通濫文妄解今專釋
事間取先儒一二說附經下爲則其餘倣之

以權度類推也。

一三傳先秦文字極古不能句讀歷代註釋多差
學者主此或疑其背理非傳或信其曲通釋經
際道誣民莫不長此今採先儒議正其註釋差者
其疑而可通者仍存某氏云。

一各國悉依經傳子史撮其興亡畧於前名壽各
具某公下其某謚爲某多不得其真姑依謚法
釋字義云。

一分各國經傳處俱用國間之使別不害其爲同
若經合在此而傳爲他國則取傳附他國而於

經下註傳見其如公至自某類若經傳俱合在此而取附他國者蓋分賓主輕重如叙齊桓晉文伯類

一傳舊本遺失者據善本補完字互有不同者註一作某字諸本俱差者據上下文當作某字其不可釋則闕以俟

一傳論事於理不通者但釋其文不斷其是非

一傳引詩書多斷章取義與本文不同若沈則不能通今悉就傳意釋之其論禮亦有背戾從習俗者學者當自擇也

一地理悉依漢書杜預仍考歷代沿革作自周以上各國譜其間或據山川或據鄰國或據經史以知舊志失各見條下

一世系氏族異同孫祖是非鄭氏信杜預而不據世本史記信世本而不據左傳歐陽公信小說而不本經今引證諸書以經傳國語爲權衡其互說不可考者各註下雖傳所無而亦叙者欲知一族之源流也

一春秋有文自不得不如此書者如元年春王正月元年春自是史書常體孔子加王於正月上

見周正朔桓無王故不書王其餘無正月則不
須書王但書春非闕文亦非不頒正朔也二月
三月亦然不可一一曲求褒貶

一足書以微賤索居無同志助書神數困于錄兼
貧窶其多紕筆因舍易釋難利苟簡易成尚艱
弘治丁巳再承之戶曹得大君子爲依歸命績
淮浦少閑散王事暇以得於觀感者草草改訂
求教尚明以遂塗說志倘詳釋正其謬不吝數
金措書再刻非徒續感德而於聖道太必無少

補也

八風圖



躔度分野圖



卷之八

甲五

二十八宿隨天左旋半隱半見南方月令孟春日在

營室

源姬
晉次

昏參中旦尾中仲春日在奎

暉降
婁次

昏弧中

近

旦建星中

斗次

季春日在胃

強大
祭次

昏七星中旦牽牛

中孟夏日在畢

暉實
尤次

昏翼中旦婺女中仲夏日在東

井

暉鶉
首次

昏亢中旦危中季夏日在柳

暉鶉
火次

昏穴中旦

奎中孟秋日在翼

暉鶉
尾次

昏建星中旦畢中仲秋日在

角

暉壽
星次

昏牽牛中旦觜觶中季秋日在房

暉大
火次

昏虛

中旦

暉木
木次

昏危中旦七星中仲冬

日在斗

暉星
紀次

昏東辟中旦軫中季冬日在婺女

暉玄
枵次

昏翼中旦氏中

歲星木星也二十八宿分十二次一年行一次故曰
一歲十二年行十二次周天故曰一紀其行有遲速
不同大歲在子午卯酉四仲則行三宿大歲在寅申
巳亥四孟及辰戌丑未四季則行二宿大歲爲陰左
行在寅歲星爲陽右轉居丑大歲在卯則歲星居子
在辰則居亥在巳則居戌在午則居酉在未則居申
在申則居未在酉則居午在戌則居巳在亥則居辰
在子則居卯歲星所在其國有福失次則所衝之地
有禍過次者殃大過合者殃小不過則無咎按襄二
十八年丙辰傳謂歲在星紀而滯於玄枵按星紀丑

位與亥差二次者編年甲子疑誤

凌稚隆曰按三傳所載經文亦多乖異事同字異如儀父監茂
盟味之類事字俱異如尹氏卒於氏卒之類馬端臨氏謂公教直
以其傳撥入三經而左氏則經自經傳自傳至元凱始以左傳附經
文後據此當知三傳惟左氏經文主稱左經若其所書札也卒則
統年于後弟子增入非古經矣又曰按三傳乃文章之冠也論他名
家無能仰窺藩籬即如史公稱良史才其所規畫變化之不越
其矩度述其首尾起伏近在一篇方之開闔張弛也括全傳者必
量以別制則改書步驟太史記書摹擬兩家蓋淵源有自矣而說

春秋左傳圖

者世、病其誣蓋據其所化妖祥夢卜鬼怪神奇一、鑿胤以厲浮誇
然變因必可理推古今自外相及安知事果盡誣非沿舊史失耶惟
及并以利害成敗論人故先為異說于前以著其驗此朱子之得
以大病皆之爾

照竟陵鍾惺伯敬父批點

春秋左傳類解周卷之一

蘆泉劉績編註

周

姬姓。出自黃帝之苗裔帝嚳。子棄之後也。有農功。封
邵。號后稷。其地武功縣聚城是也。邵之總名曰周。故
國號周。及夏之衰。大康失國。稷官遂廢。稷之子不窋
失其官。竄於西戎。不窋卒。子鞠立。鞠卒。子公劉立。公
劉遷邠。邠州三水古邠城是也。公劉卒。子慶節立。慶
節卒。子皇僕立。皇僕卒。子荖弗立。荖弗卒。子毀隃立。
音踰世
本作輪毀隃卒。子公非立。公非卒。子高圉立。高圉卒。

子亞圍立。亞圍卒。子公叔祖類立。公叔祖類卒。子古
公亶父立。爲戎所逼。去邠居岐。今鳳翔岐山是也。至
孫文王昌。爲西伯。始都豐。在永興鄠縣東南。武王都
鎬。在豐之東二十五里。武王崩。子成王誦立。成王崩。
子康王釗立。康王崩。子昭王瑑立。周道始衰。昭王南
巡。卒於江。子穆王滿立。穆王崩。子共王繄立。共王
崩。子懿王囂立。懿王崩。共王弟辟方立。是爲孝王。孝
王崩。諸侯復立懿王太子燹。是爲夷王。夷王崩。子厲
王胡立。暴虐無道。出奔彘。召周公二相行政。號曰
共和。共和十四年。厲王死于彘。子宣王靜立。宣王卒。

子幽王宮涅立。

一作生

寵褒姒生子伯服廢申后太子

宜曰申侯與犬戎殺王于驪山下立宜曰爲平王辟

戎寇遷都王城廢河南縣是也盡舉故都而棄之秦

所謂東周也以豐鄠爲西周後敬王又遷成周今洛

陽是也復以王城爲西周成周爲東周平王四十九

年入春秋敬王三十九年獲麟後爲秦滅

平王

名宜曰幽王子四十九年入春秋在位五十一年卒諡法治而無音曰平

辛酉隱三年

○三月庚戌天王崩

前者上墜之形不書并魯不會也

○三年春王三月壬戌平王崩赴以庚戌故書之

赴以遠日欲諸侯遠至不書實崩日而書遠日者即傳其僞以聽臣子過也

○穀梁曰高曰崩厚曰崩尊曰崩天子之崩以尊也其崩之何也以其在民上故崩之其不名何也大上故不名也

鄭武公

桓子

莊公

武公

為平王卿士王貳於號

號

號君亦仕於王王欲分政於號不專任鄭

鄭伯怨王王曰無之故周鄭

交質

音致

王子狐為質於鄭

狐平

鄭公子忽為質於

周

忽周

王崩周人將畀號公政四月鄭祭足帥師

取溫之麥秋又取成周之禾

周

四月今二月溫河

芟踐之秋今之夏也成周洛陽縣

周鄭交惡君子曰信不由中質

無益也明恕而行要之以禮雖無有質誰能間之

明顯明也。怒以已及人也。即信。苟有明信。澗谿沼

由中出。意要音腰。劫也。間離也。

也。山夾水曰澗。水注川曰谿。沼池也。澗谿沼池。

蘋蘩蕒藻

之菜。

蘋大萍也。蘩白蒿也。蕒音愠。柱云聚也。聚藻也。如釵股節中葉如蓬蒿生水底。

筐筥

錡釜之器。

方曰錡。圓曰筥。皆竹器有足。曰錡無足曰釜。皆金器。

潢汙行潦之

水。

潢汙停水。行潦流水。

可薦於鬼神。可羞於王公。

羞進也。而况

君子結二國之信。行之以禮。又焉用質。風有采蘋。

采蘋雅有行葦。洞酌昭忠信也。

昭明也。明有忠信。則人鬼享之不在。

物洞音適。

○秋武氏子來求賻。

武氏子來求賻。王未葬也。

○穀梁曰。武氏子者何也。天子之大夫也。天子之

大夫。其稱武氏子何也。未畢喪。孤未爵。未爵使之

非正也。言武氏卒其子尚居喪未爵命爲大夫故稱武氏子不言之子故知父卒與仍叔之

子不其不言使何也。無君也。桓王在喪未即位歸死者曰

賵。歸生者曰賻。曰歸之者正也。求之者非正也。周

雖不求魯不可以不歸。魯雖不歸周不可以求之。

求之爲言。得不得未可知之辭也。交譏之。

桓王。名材。平王之孫。太子洩父之子。隱四年即位。桓十五年崩。在位二十二年。謚法辟土。

服遠曰桓

甲子隱六年。冬。京師來告饑。公爲之請糴于宋衛齊鄭。

禮也。鄭伯如周。鄭莊公始朝桓王也。王不禮焉。周桓

公言於王。

即黑肩食采於周扶風雍縣東北有周城

曰：我周之東遷，晉

鄭焉依。

平王東遷晉文侯鄭武公夾輔王室

善鄭以勸來者，猶懼不

說。

音忌至也

況不禮焉，鄭不來矣。

丙寅隱八年

夏，虢公忌父始作卿士于周。○八月丙戌

鄭伯以齊人朝王，禮也。

社云鄭伯不以虢公得政而背王故禮之齊僖稱人

畧從國辭也

己巳隱十一年

王取鄆，劉爲邾之田于鄭。

河南緱氏西南有鄆

劉亭鄆鳥上爲危上邾音于

而與鄭人蘇忿生之田。

蘇已姓顯帝齋滕吳

同爲重黎生陸終陸終生昆吾封于蘇邾西蘇城是也武王用忿生爲司寇其子孫叛王王不能有

其田故與鄭易温原緝樊隰成摯茅向盟州陘墮懷温即

原在沁水縣西緝在野王縣西南樊即陽樊野王

縣西南有陽城隰成在懷西縣西南摯茅在脩武

縣北向音向軹縣西有地名向上盟音孟即孟津

州即州縣隰音刑墮在脩武縣北懷即懷州十二

邑皆忿生田攢茅墮屬汝郡餘皆屬河內君子是以知桓王之失鄭也

怒而行之德之則也禮之經也已弗能有而以與

人人之不至不亦宜乎

甲戌桓五年桓○秋蔡人桓衛人宣陳人桓從王伐鄭伐鄭

王奪鄭伯政鄭伯不朝秋王以諸侯伐鄭鄭伯禦

之王為中軍號公林父將右軍蔡人衛人屬焉林父

詞故不書王君行且從故書從以尊之不

言戰見王者無敵不言敗見非諸侯當禦

周知

周公黑肩將左軍陳人屬焉

黑肩周桓公也

鄭子元

請爲左拒以當蔡人衛人爲右拒以當陳人

子元鄭公

子方陳爲拒李衛公云拒言其拒禦而已

曰陳亂民莫有闕心若先犯

之必奔王卒顧之必亂蔡衛不枝固將先奔既而

萃於王卒可以集事

集成也

從之曼伯爲右拒

曼音萬即

檀伯祭仲足爲左拒

字仲名足杜云名仲非

原繁高渠彌以中

軍奉公爲魚麗之陳先偏後伍伍承彌縫

二十五乘爲偏

五人爲伍以伍承偏之陳彌縫之此蓋魚麗陣法

戰于繻葛

音須鄭地

命二拒

曰旂動而鼓

旂旒也通帛爲之蓋大將之麾執以爲號令者

蔡衛陳皆奔

王卒亂鄭師合以攻之王卒大敗祝聃射王中肩

王亦能軍。祝聃請從之。公曰：「君子不欲多上人，况敢陵天子乎？苟自救也，社稷無隕，多矣。」夜，鄭伯使

祭足勞王，且問左右。鄭經失大本，而飾小節。

丙子桓七年。夏，盟向，求成于鄭。盟向，二邑名，前周既而

背之。秋，鄭人、齊人、衛人、伐盟向。王遷盟向

之民于郊。鄭音夾，王城也。

丁丑桓八年。○祭公來，遂逆王后于紀。祭側戎反，來地也。

祭公來，遂逆王后于紀，禮也。天子聚於諸侯使同姓，諸侯為主祭公來。

受命於魯，故曰禮也。

○公羊曰：「祭公者何？天子之三公也。何以不稱使？」

婚禮不稱主人

傳曰無諸父兄師友謂有母毋當命諸父兄師友稱諸父兄師友以

行聘王有毋故不稱使自命

遂者何生事也

生猶造也

大夫無

遂事此其言遂何成使乎我也其成使乎我柰何

使我為媒可則因用是往逆矣

成使謂成逆后之使事也言天子既

使魯王婚為媒今使祭公來講逆后之期于魯若魯以為可則用是期往逆于紀其權在魯故雖書

遂不為罪其義同左氏舊註以為始使魯為媒就往逆者謬矣

女在其國稱女此

其稱王后何王者無外其辭成矣

辭成謂雖在紀亦得稱王后

戊寅桓九年春紀季姜歸于京師

季字姜紀姓

九年春紀季姜歸于京師凡諸侯之女行唯王后

書。

○公羊曰。紀季姜歸于京師。其辭成矣。則其稱紀季姜何。自我言紀。父母之於子。雖爲天王后。猶曰。吾季姜。明子尊不京師者何。天子之居也。京者何。大也。師者何。衆也。天子之居必以衆大之辭言之。甲申十有五年春二月。天王使家父來求車。三月乙未。天王崩。

十五年春二月。天王使家父來求車。非禮也。諸侯不貢車服。天子不私求財。

莊王

名佗。桓王子。桓十六年即位。莊十二年崩。在位十五年。法勝敵。志強曰莊。

丁亥。桓十八年。

周公歆弑莊王而立王子克。

莊王弟。辛伯子。儀也。

告王

辛伯周大夫

遂與王殺周公黑肩王子克奔燕初

子儀有寵於桓王桓王屬諸周公辛伯諫曰

諫周

並后

妾如后

匹嫡

庶如嫡

兩政

臣如君

耦國

都如國

亂之本

也周公弗從故及

及於難也

庚寅莊三年

○五月葬桓王

夏五月葬桓王緩也

七年乃葬

○穀梁曰五月葬桓王傳曰改葬也改葬之禮總

舉下緬也

總總麻也五服最下者緬音免遠也柩

月既又喪貌遠而哀思之既非始葬不可服并經

或曰郤尸以求諸侯

郤同却退也止也謂停尸七年

天子志崩不志葬必其時也何必焉舉天下而葬

一人其義不疑也

崩非常故書葬有定時乃常事故不書不疑謂至尊無屈也若

諸侯則記卒記葬有天子存葬不得必其時也註謂越紳奔天子喪

志葬故也危不

得葬也

故他事也若書天子葬必有他事吃不得葬方書

曰近不失崩不

志崩失天下也

近謂魯去京師不遠天子崩赴告易至得聞不失若不書崩必王朝

亂令不行於諸侯其失天下可知

獨陰不生獨陽不生獨天不生

三合然後生故曰母之子也可天之子也可尊者

取尊稱焉卑者取卑稱焉

陰指母陽指父天謂天命也言人必有母有父

有天命之性三者合然後生也故下可以稱母子

上可以稱天子王者極尊故稱天子衆人極卑故稱母子舉首尾而論若尊卑之間者可備父其曰子也此釋稱天子義自漢以來此傳不明

王者民之所歸往也。

此釋又稱天王義

僖王

名胡齊莊王子魯莊十三年即位十七年崩在位五年謚法小心畏忌曰僖

癸卯莊十六年

初晉武公伐夷執夷詭諸

夷采地詭諸周大夫 爲國

請而免之。

亦周大夫

既而弗報故子國作亂

即爲國

謂晉

人曰與我伐夷而取其地遂以晉師伐夷殺夷詭

諸周公忌父出奔虢

避子國難周公忌父王卿士

惠王立而復

之。

惠王

名間僖王子莊十八年即位僖八年崩在位二十五年謚法柔質慈民曰惠

乙巳

十八年春虢公

西

晉侯獻

朝王

惠王新即位故朝之

王

饗醴命之宥皆賜王五鼓馬三匹非禮也

周禮上公三饗

三食三燕侯伯三饗再食再燕于男一饗一食一燕王親辭后始行饗禮先置醴酒示不忘古有杜云助也今鼓勸也飲酒以物勸王命諸侯名位不食印馬王是也鼓音角双玉也

同禮亦異數不以禮假人

魏乃公爵八命晉侯爵七命今同錫是非禮而

以禮借人也

虢公晉侯鄭伯厲使原莊公逆王后于陳

宣陳媯歸于京師實惠后

丙午莊十九年初王姚嬖于莊王

王姚莊王妾姚姓者也

生子頹子

頹有寵薦國爲之師及惠王即位取薦國之圃以

爲圃

圃園也種蔬菜圃苑也育禽獸

邊伯之宮近於王宮王取之

邊伯周大夫

王奪子禽祝跪與詹父田

三子皆周大夫而收膳

夫之秩

秩即石速秩祿也

故薦國邊伯石速詹父子禽祝跪

作亂因蘇氏

蘇氏周大夫桓王先奪十六邑以與鄭者

秋五大夫奉子

頹以伐王

石達士也。不在五大夫數。

不克出奔溫

溫蘇氏邑蘇子奉

子頹以奔衛衛師燕師伐周

衛惠公南燕伯仲父

冬立子頹

丁未

二十年春鄭伯和王室不克

鄭厲公

執燕仲父

即南燕伯爲伐周故

夏鄭伯遂以王歸王處于櫟

鄭邑河南陽翟縣

秋王及鄭伯入于鄆

桓王所取鄭邑

遂入成周取其寶器

而還冬王子頹享五大夫樂及徧舞

舞六代之樂鄭伯

聞之見號叔

叔西號公字

曰寡人聞之哀樂失時殃咎

必至。今王子頹歌舞不倦樂禍也。夫司寇行戮君

爲之不舉

作樂盛饌曰舉

而况敢樂禍乎。奸王之位禍孰

大馬臨禍忘憂憂必及之盍納王乎虢公曰寡人之願也

戊申

二十一年春晉命于弭音米鄭地夏同伐王城鄭

伯將王自圉門入虢叔自北門入殺王子頹及五

大夫鄭伯享主于闕西辟

辟旁側也於象魏西偏

樂備備六代樂

王與之武公之畧自虎牢以東

畧封界也鄭武公傳平王賜之自

虎牢以東後失其地故惠王今復與之

原伯曰

原莊公也伯賁之父

鄭伯效尤

學子頹歌舞之過

其亦將有咎五月鄭厲公卒王巡虢守

天子省方謂之巡狩巡其所守也

虢公爲王宮于珙

珙蒲頂反虢地王與

之酒泉

周邑名

鄭伯之享主也王以后之鞶鑑予之

韓帶以鐵為飾今四方羗胡猶然
古之遺服婦人物非所以賜有功
魏公請器于
之爵爵飲酒器王爵也人之所貴
鄭伯由是始惡于王冬王歸

自號

甲寅莊二王使召伯廖賜齊侯命召伯廖王卿士

十七年伯扶風雍熙東南有召亭蓋召康公後且請伐衛以其立子頹也

○公會齊侯于城濮謀伐衛城濮衛地

乙卯二十有八年春王三月甲寅齊人伐衛衛人及

齊人戰衛人敗績書日者言齊以是日討衛衛不服罪與之戰故書及以見主兵書人

以貶拒命齊亦書人受賂也

二十八年春齊侯伐衛戰敗衛師數之以王命取

賂而還

丁巳莊樊皮叛王。樊未地皮名三十年春王命虢公討

樊皮夏四月丙辰虢公入樊執樊仲皮歸于京師

丙寅傳○公及齊侯桓宋公桓陳侯宣衛侯文鄭伯

文許男傳曹伯昭會王世子于首止秋八月諸侯盟

于首止鄭伯逃歸不盟

會于首止衛地陳留襄邑東南有首鄉會王太子鄭惠王聚陳

太子鄭及叔帶后愛叔帶王將謀寧周也○秋諸

侯盟王使周公召鄭伯曰吾撫女以從楚惠王怨齊會諸

侯定大子故召鄭文輔之以晉可以少安鄭伯喜

於王命而懼其不朝于齊也故逃歸不盟孔叔止

之

孔叔鄭大夫

曰國君不可以輕輕則失親失親患必

至病而乞盟所喪多矣君必悔之弗聽逃其師而

歸

○穀梁曰及以會尊之也

不敢與同列若世子在是而諸侯往會焉何

尊焉王世子云者唯王之貳也

貳副也

云可以重之

存焉尊之也何重焉天子世子世天下也秋八月

諸侯盟于首戴無中事而復舉諸侯何也尊主世

子而不敢與盟也尊則其不敢與盟何也盟者不

相信也故謹信也不敢以所不信而加之尊者有

信故盟若世子與焉則是以不信加之與約束諸侯無異故齊桓不敢盟世子而與諸侯自盟以尊

之桓諸侯也不能朝天子是不臣也王世子子也

塊然受諸侯之尊已而立乎其位是不子也塊然安然

也桓不臣王世子不子則其所善焉何也是則變

之正也天子微諸侯不享覲桓控大國扶小國統

諸侯不能以朝天子亦不敢致天王尊王世子于

首戴乃所以尊天王之命也言桓為伯既不朝天于京師亦不敢致

天王于盟地故尊其子乃所以尊其父此言桓尊世子所以為善世子舍王命會

齊桓亦所以尊天王之命也世子受之可乎是亦

變之正也天子微諸侯不享覲世子受諸侯之尊

已而天王尊矣世子受之可也。

此言世子受諸侯尊所以為善鄭

伯逃歸不盟以其去諸侯故逃之也。

戊辰僖七年閏月惠王崩襄王惡大叔帶之難懼不立

不發喪而告難于齊。

已巳僖八年春王正月公會王人齊侯桓宋公桓衛侯

文許男僖曹伯共陳世子欸盟于洮鄭伯乞盟陳世子欸

下公有難世子華王人下士也與諸侯盟不識者王室有難故也乞者早避自屈之辭欲與是盟而未知

得否也○冬十有二月丁未天王崩。

八年春盟于洮。洮水出西卷中北至抱罕入于河曹地謀王室也鄭

伯乞盟請服也襄王定位而後發喪○冬王人來

告喪難故也。是以緩。

○穀梁曰：王人之先諸侯何也？貴玉命也。朝服雖敝，必加於上。弁冕雖舊，必加於首。周室雖衰，必先諸侯。兵車之會也。鄭伯乞盟，以向之。逃歸乞之也。乞者，重辭也。重是盟也。乞者，處其所而請與也。蓋洵之也。處其所而請與，謂鄭伯居本國而使入來請與是盟也。洵，同酌。參酌量度也。謂盟否在人而已，不敢必舊註挹血者非。

襄王

名鄭惠，王子僖九年即位。文八年崩，在位三十三年。繼法，辟地有德，曰襄。

辛未僖十年

○狄滅溫，溫子奔衛。

蘇子國于溫，故曰溫子。蓋中國狄滅而居其地。

十年春，狄滅溫。蘇子無信也。蘇子叛王，即狄又不

能於狄。

不能猶言不相得也。

狄人伐之。王不救。故滅蘇子。奔

衛。

壬申信

夏陽拒泉臯伊雒之戎。

陽拒泉臯皆戎邑。及諸雒戎居伊水。

雒水之間。者今伊闕北有泉亭河南雒陽縣西南有戎城伊水出上雒盧氏縣熊耳山東北至河南

雒陽縣入雒雒水出上雒縣豕領山東北經弘農至河南鞏縣入河也。

同伐京師入

王城焚東門。王子帶召之也。秦晉伐戎以救周。

秦穆

公晉秋晉侯平戎于王。

癸酉信

王以戎難故討。王子帶。秋王子帶奔齊。冬

齊侯使管夷吾平戎于王。使隰朋平戎于晉。

晉救周伐

戎。王以上卿之禮饗管仲。管仲辭曰。臣賤有司也。

有天子之二守國高在

二子乃王命

若節春秋來承主

命何以禮焉陪臣敢辭

節適其時也陪重也為天子臣之臣

王曰舅

氏

伯舅之使故曰舅氏

余嘉乃勲應乃懿德謂督不忘往踐

乃職無逆朕命

乃汝也應當也懿美也督如微子之命曰篤不忘之篤厚也言我善

汝之功勲受汝之美德謂其督厚而不忘故報之如此汝當踐其位而無逆朕命也管仲受

下鄉之禮而還君子曰管仲之世祀也宜哉讓不

忘其上詩曰愷悌君子神所勞矣

詩大雅旱麓篇豈樂第易也勞

慰撫也

甲戌

十三年春齊侯使仲孫湫聘于周且言王子

帶事畢不與王言歸復命曰未可王怒未息其十

年乎不十年王弗召也。○秋爲我難故諸侯戍周

齊仲孫湫致之。

夏齊桓宋襄陳穆衛文鄭文曹共會于鹹謀王室事見祀

丁丑僖十六年

王以我難告于齊齊徵諸侯以戍周。

齊桓公

辛巳僖二十年

○鄭人入滑。

滑伯爵爵姬姓國在河南蔡氏縣

滑人叛鄭而服于衛。

夏鄭公子士

文公洩堵寇

帥師入滑。

癸未僖二十二年

初平王之東遷也。辛有適伊川見被髮

而祭於野者。

辛有周大夫伊川即伊水周地

曰不及百年此其戎

乎。其禮先亡矣。秋秦晉遷陸渾之戎于伊川。

此允姓之

戎居陸渾者先在秦晉西北至是秦晉誘而從之伊川遂從戎號至今有陸渾縣

○富辰

言於王曰。請召大叔。詩曰。協比其鄰。昏姻孔云。

雅小

正月詩言和協比合其近親則昏姻之國皆旋而歸之云旋也吾兄弟之不協焉。

能怨諸侯之不睦。王說。王子帶自齊復歸于京師。

王召之也。

叔帶果十年歸終仲秋言

乙酉信二

十四年。○夏狄伐鄭。○冬天王出居于鄭。

自周無出特書

出言其自取之也出而居明天下皆周有也

鄭之入滑也。滑人聽命。師還。又即衛。鄭公子士洩

堵俞彌帥師伐滑。

堵俞彌鄭大夫

王使伯服游孫伯如鄭

請滑。

二子周大夫

鄭伯怨惠王之入而不與厲公爵也。

又怨襄王之與衛滑也。故不聽王命而執二子。王

怒將以狄伐鄭富辰諫曰

周大夫

不可臣聞之大上

以德撫民

謂親睦如一

其次親親以相及也

先親後疎

昔周

公弔二叔之不咸故封建親戚以蕃屏周管蔡邲

霍魯衛毛聃郇雍曹滕畢原豐郇文之昭也

在管國

陽京縣東北霍國在晉州霍邑郇國在單州成武

雍國在河內山陽縣西畢國在長安縣西北原在

沁水縣西鄆國在始平郇

縣東郇在邠州三水東

皆武王子邠國在野王縣西北三十里應

國在襄陽城父縣西韓國在河東郡界

茅胙祭周公之胤也

九在共縣西南蔣在弋陽期

思縣昌邑縣西有茅卿東郡

燕縣西南有胙亭祭城在管城東北弔傷也二叔

夏商季世也成同也周公傷夏商之季世既親戚

使宗族不同心致戚

召穆公思周德之不類故糾

亡故建之如此多

合宗族于成周

召米地扶風靈縣東南有召亭穆公虎以周厲王時兄弟道缺周德

不善故合宗族於東都以親之

而作詩曰

此而字承上周公召公二節詩乃周公作召公

後復誦之故下文

棠棣之華鄂不韡韡九今之人

莫如兄弟

棠棣棣也鄂鄂然外見貌韡韡音偉光明說言棠棣衆華俱外發則韡韡光明

兄弟分封治外則

與詩少異

其四章曰兄弟闕于

墻外禦其侮

墻外禦其侮也禦禁禦也言兄弟雖闕於內然有他人侮之則忘其忿而同

心禦敵矣

如是則兄弟雖有小忿不廢懿親

懿親也今天

子不忍小忿以棄鄭親其若之何庸勲親親牖近

尊賢德之大者也

庸用也王功曰勲

即聾從昧與頑用器

姦之大者也棄德崇姦禍之大者也鄭有平惠之

勳

鄭納平王納惠
王言當用勳

又有厲宣之親

鄭始封祖桓公
友周厲王之子

宣王毋弟
言當親親

棄嬖寵而用三良

三良即叔詹堵叔師
叔言鄭賢當尊之

於諸姬爲近

鄭居河洛北姬
周接壤言鄭近當親

暱之

四德具矣

其全也

耳不聽五聲之和爲聾

和謂聲音克諧無奪
倫也言不當就即於

聾

目不別五色之章爲昧

章謂顏色昭采成文
也言不當從於昧

心不則德義之經爲頑

則法也經常道也頑真
愚也言不當與於頑

不道忠信之言爲囂

忠無私也信實也囂說文
語聲也言不當用狄隳

皆則之四姦具矣

則謂其身
如是也

周之有懿德也猶曰

莫如兄弟故封建之

周有德化民周公作詩猶以
爲不如兄弟故封建使化民

其懷柔天下也猶懼有外侮扞禦侮者莫如親親

故以親屏周

周懷來柔安天下猶恐有外侮使兄弟蕃屏周室

召穆公亦

云

穆公歌之故言亦云

今周德既衰於是乎又渝周召以從

諸姦無乃不可乎

渝變其道也

民未忘禍

有子頹子帶之禍

王

又興之其若文武何

將陸其業

王弗聽使頹叔桃子出

狄師

皆周大夫

夏狄伐鄭取櫟

鄭邑名

王德狄人將以其

女爲后富辰諫曰不可臣聞之曰報者倦矣施者

未厭狄固貪棼王又啓之

倦謂報已足未厭謂貴報無已也棼亦貪也方

言殺人取財曰棼啓開導也言王啓狄無厭之求也

女德無極婦怨無終

已有德於人則貴望之源人有怨於已則懷恨之

狄必爲患王又弗聽初

甘昭公有寵於惠后

即子帶食邑於井河南縣西南有井水

惠后将

立之未及而卒昭公奔齊王復之又通於隗氏即

王所立

王替隗氏

王知之故廢隗氏

顏叔桃子曰我實使

狄狄其怨我遂奉大叔以狄師攻王王御士將禦

之

周禮王之御士十二人

王曰先后其謂我何寧使諸侯圖

之王遂出及次飲

周地名在河南鞏縣東

國人納之

國人納王復入

周秋頹叔桃子奉大叔以狄師伐周大敗周師獲

周公忌父原伯毛伯膏辰

原毛皆朱邑生死皆曰獲

王出適鄭

處于汜

汜音九隔封有汜水柱云南汜也

大叔以

隗氏居于温○冬王使來告難曰不穀

不善也不

德得罪于毋弟之寵子帶鄙在鄭地汜

野居鄭地敢

告叔父。臧文仲對曰：天子蒙塵于外，敢不奔問官

守。

官守王之群臣

王使簡師，父告于晉，使左馭父告于秦。

天子無出，書曰：天王出居于鄭，辟母弟之難也。天

子凶服降名，禮也。鄭伯與孔將鉏、石甲、父侯宣多

省視官具于汜。

省官同。器具。

而後聽其私政，禮也。

丙戌，傷二十五年。

秦伯師于河上，將納王。

秦穆公。

狐偃言於

晉侯

文。

曰：求諸侯，莫如勤王。諸侯信之，且大義也。

繼文之業。

晉文侯仇為平王。侯伯匡輔王室。

而信宣於諸侯，今為

可矣。使卜偃卜之，曰：吉。遇黃帝戰于阪泉之兆。

黃帝。

與姜氏戰于阪泉之野，勝之，今得其兆，故以為吉。

公曰：吾不堪也。對曰：周

禮未改今之王古之帝也。

言周雖衰其命未改今之周王自當帝兆不謂

也晉公曰筮之筮之遇大有三

離上之睽三

離上乾下變為

兌曰吉遇公用享於天子之卦也。

大有九戰克而

王饗吉孰大焉。

爻辭謂饗者必戰勝方然故以為吉也

且是卦也天

為澤以當日天子降心以逆公不亦可乎。

乾天為天子變

為兌澤在下以當離日是降下

大有去睽而復亦

其所也。

去睽卦選論大有卦天亦在下日亦在上

晉侯辭秦師而下三

月甲辰次于陽樊。

周邑名

右師圍温左師逆王夏四

月丁巳王入于王城取大叔于温。

殺之于隰城戊

午晉侯朝王王饗禮命之宥。

既行饗禮而設醴酒又加之以幣帛勸宥

請隧

地道曰隧。王葬自此。諸侯葬縣棺不隧。故請之。

道入弗許。曰：王章也。未

有代德而有二王，亦叔父之所惡也。與之陽樊、溫

原，攢茅之田。晉於是始啓南陽。

四邑在晉山南陽河北。故曰南陽。

樊不服圍之。蒼葛呼曰：

陽樊邑人。

德以柔中國，刑以威

四夷，宜吾不敢服也。此誰非王之親姻，其俘之也。

乃出其民。

丁酉文三年

○夏五月王子虎卒。

夏四月乙亥，王叔文公卒。

文謚即虎。

來赴弔如同盟。

于王。

虎會踐土又盟翟禮也。來赴弔如同盟。

壬申八年

○秋八月戊申，天王崩。

秋襄王崩。

頃王

名壬臣襄王子文九年即位十四年崩在位六年諡法敏以敬慎曰頃

癸卯

九年春毛伯來求金。○二月叔孫得臣如京師。

辛丑葬襄王。

毛伯衛來求金。

周大夫

非禮也不書王命未葬也。

天子

在諱陰未君

二月莊叔如周葬襄王。

○公羊曰。毛伯者何。天子之大夫也。何以不稱使。當喪未君也。踰年矣。何以謂之未君。即位矣而未稱王也。未稱王何以知其即位。以諸侯之踰年即位。亦知天子之踰年即位也。以天子三年然後稱。

王亦知諸侯於其封內三年稱子也。

各信恩于其下

踰年

稱公矣。則曷爲於其封內三年稱子。緣民臣之心

不可一日無君。緣終始之義。一年不二君。不可曠

年無君。故踰年緣孝子之心。則三年不忍當也。故

年稱毛伯來求金。何以書。譏何譏爾。王者無求。求

金。非禮也。然則是王者與。括未稱王曰。非也。非王者則

曷爲謂之王者。王者無求。曰。是子也。繼文王之體。

守文王之法度。文王之法無求而求。故譏之也。文引

王者文王始受命制法度

甲辰文○及蘇子盟于女栗。不書公諱與王臣盟也

十年

秋七月及蘇子盟于女栗。頃王立故也。

蘇子周卿士王新立

故與魯盟親諸侯僖十年蘇子奔衛今復見蓋王復之

戊申十四年春頃王崩。周公閱與王孫蘇爭政。故

不赴。凡崩薨不赴則不書。禍福不告亦不書。微不

敬也。○周公將與王孫蘇訟于晉。王叛王孫蘇而

使尹氏與聃啓訟周公于晉。尹氏周卿士聃啓趙周大夫訟理之趙

宣子平王室而復之。

匡王

名班頃王子文十五年即位宣二年崩在位六年諡法真心大度曰匡

辛亥文秋周甘歆周大夫敗戎于邲。垂邲音沈邲垂

城縣北乘其飲酒也。

甲寅
二年
○冬十月乙亥天王崩。

定王

名瑜。匡王弟。宣三年即位。成五年崩。在位一十一年。諡法安民大憲曰定。

乙卯
三年

○葬。區王。楚子伐陸渾之戎。

渾公作實。

楚子伐陸渾之戎。

僖二十二年。秦晉遷伊川者。

遂至于雒。觀兵

於周疆。定王使王孫滿勞楚子。

滿周大夫。

楚子問鼎之

大小輕重焉。

示欲偏周。取天下。

對曰。在德不在鼎。昔夏之

方有德也。遠方圖物。

遠方。盡川澤山林之怪物。獻之。

貢金九牧。鑄

鼎象物。

使九州。共貢金。鑄鼎象。所圖物。

百物而爲之備。使民知神

姦。故民入川澤山林。不逢不若。

若。順也。

螭魅罔兩。莫

能逢之。

螭。山神。罔。水石之怪。魅。罔。兩。物。魯語。

用能協于上。

下以承天休

民無災害則上下和而受天福

桀有昏德。罪遷于商。

載祀六百。

載祀皆年也。商曰祀。唐虞曰載。周曰年。夏曰歲。

商紂暴虐。罪遷

於周。德之休明。雖小重也。

不可遷

其姦回昏亂。雖大

輕也。

言可務

天祚明德。有所底止。成王定鼎于郊。鄆

即王城。武王遷之。成王定之。

卜世三十。卜年七百。天所命也。周

德雖衰。天命未改。鼎之輕重。未可問也。

戊午宣六年

夏。定王使子服求后于齊。

子服周大夫 ○冬。召

桓公。逆王后于齊。

桓公。周卿士。

丁卯宣十五年

○王孔子殺召伯毛伯。

杜云。孔子王子。孔子殺召伯。字不知何。

子王

王孫蘇與召氏毛氏爭政

士皆卿

使王子捷殺召氏

公及毛伯衛

捷即子扎公殺云定王庶兄

卒立召襄

戴公之子

○穀梁曰王孔子者當上之辭也

矯王命當君故變文書名於子

上若王

殺召伯毛伯不言其何也兩下相殺也兩

下相殺不志乎春秋此其志何也矯王命以殺之

非忿怒相殺也故曰以王命殺也以王命殺則何

志焉爲天下主者天也繼天者君也君之所存者

命也爲人臣而侵其君之命而用之是不臣也爲

人君而失其命是不君也君不君臣不臣此天下

所以傾也

戊辰宣
十六年

○夏成周宣榭火。

夏成周宣榭火

成周東都洛陽也宣榭宣王廟也榭者射堂之制其堂無屋以便射

事謂之宣榭者其廟制如榭也或云宣王會諸侯講武於東都因立廟祀之

人火之也

凡火人火曰火天火曰災○爲毛召之難故王室

復亂王孫蘇奔晉晉人復之冬晉侯使士會平

王室定王享之原襄公相禮

伯賁之子莊公之孫周大夫

殺烝

殺切肉可食也烝并也非殺于祖

武子私問其故

怪其享不體薦

王聞之

召武子曰季氏而弗聞乎

季士會字

王享有體薦

享則羊解

其體而薦之不

宴有折俎

宴則體解節折非之於俎物皆可食以示慈惠

公當享卿當宴王室之禮也

公謂諸侯言會乃武卿雖享亦用宴禮

子歸而講求典禮以脩晉國之法。

辛未成元年

○秋王師敗績于茅戎

戎之別種也不言戰王者至尊天下莫之

得校故以自敗爲文不書敗地而書茅戎明爲茅戎所敗

元年春晉侯

景使瑕嘉平戎于王

晉詹嘉處瑕故云瑕

單襄

公如晉拜成

周伯後

劉康公徵戎將遂伐之

即王季子

劉定公父戎平

叔服曰

周內史背盟而欺大國此必

敗背盟不祥欺大國不義神人弗助將何以勝不

聽遂伐茅戎三月癸未敗績于徐吾氏

茅戎別地

○秋

王人來告敗

壬申成二年

晉侯使鞏朔

晉大夫獻齊捷于周

鞏之

王弗

見使單襄公辭焉。曰：蠻夷戎狄不式王命，淫酒毀

常。王命伐之，則有獻捷。王親受而勞之，所以懲不

敬，勸有功也。兄弟甥舅，兄弟同姓諸侯，甥舅異姓諸侯。侵敗王畧。

王命伐之，告事而已，不獻其功，所以敬親。曄，禁淫

慝也。敬親，曄指所伐國言。禁淫，慝指伐國之人言。謂濫取俘囚也。今叔父克遂

有功于齊，克能也。而不使命卿鎮撫王室。大國二卿，天子所命也。

所使來撫余一人，而鞏伯實來，未有職司於王室。

朔上軍大夫，非命卿。又奸先王之禮。謂獻齊捷。余雖欲於鞏伯，欲受

其其敢廢舊典以忝叔父。夫齊甥舅之國也，而大

師之後也，寧不亦淫從其欲以怒叔父。從去聲。抑豈

不可諫誨士莊伯不能對。

即章

王使委於三吏。

即

公三公天

禮之如侯伯克敵使大夫告慶之禮。

降

於卿禮一等。王以鞏伯宴而私賄之。使相告之。

相

禮佐功

曰非禮也勿籍。

籍謂書於史冊

乙亥成

○冬十有一月己酉天王崩。

不書葬罪諸侯不與也

十一月己酉定王崩。

簡王

名夷定王子成六年即位襄元年崩在位十四年謚法一德不辭曰簡

辛酉成

周公楚惡惠襄之偪也。

周公楚天子三公惡惠王襄王族偪

且與伯輿爭政。

伯輿周

不勝怒而出及陽樊。

晉

王使劉子復之盟于鄆而入三日復出奔晉。

鄆周

○晉卻至與周爭鄆田

鄆音侯溫別邑在河內懷縣西南有鄆人亭

王

命劉康公單襄公訟諸晉。卻至曰：溫吾故也，故不

敢失。

言溫卻氏舊邑

劉子單子曰：昔周克商，使諸侯撫封

撫有其封內地

蘇忿生以溫爲司寇。

忿生受溫邑爲武王司寇

與檀伯

達封于河。

與檀伯達俱封於河內

蘇氏即狄，又不能於狄而

奔衛。

在衛十年

襄王勞文公而賜之溫。

倍二十五年

狐氏陽

氏先處之，而後及子。

狐漆陽處父先食溫邑

若治其故，則王

官之邑也。子安得之？晉侯使卻至勿敢爭。

傳言卻至貪所

以亡

士午

十有二年春，周公出奔晉。

十二年春王使以周公之難來告書曰周公出奔

晉凡自周無出

天下皆王土故無出

周公自出故也

周公爲王所復

而自絕於周故書出罪之

巳五襄元年

○九月辛酉天王崩

庚寅

二年春王正月葬簡王

五月而葬速

靈王

名泄心簡王子襄二年即位二十八年崩在位二十七年謚法極知鬼事曰靈不勤

成名曰靈蓋以其生有靈甚神聖也

癸巳襄五年

王使王叔陳生勸戎于晉晉人執之士魴

如京師言王叔之貳於戎也

王叔反有貳心于戎失奉使之義

巳卯襄十年

王叔陳生與伯輿爭政

皆卿

王右伯輿右助

也王叔陳生怒而出奔及河欲奔王復之殺史狡

以說焉不入遂處之居于河晉侯使士匄平王室王

叔與伯輿訟焉王叔之宰與伯輿之大夫駘禽坐

獄於王庭周禮命夫命婦不躬坐獄訟故使宰與大夫訟曲直士匄聽之王

叔之宰曰箒門閨竇之人而皆陵其上其難爲上

矣箒門柴門閨竇穿壁爲小戶上鏡下方狀如圭也言伯輿微賤之家駘禽曰昔平

王東遷吾七姓從王牲用備具王賴之而賜之駢

旄之盟曰世世無失職平王東遷大臣從者有七姓伯輿之祖爲王備犧牲

共祭祀王賴其用故與之盟使世守其職駢旄赤牛言其重也若箒門閨竇其能

來東底乎底至也且王何賴焉今自王叔之相也

政以賄成

隨財制政此言賞不當

而刑放於寵

放上聲依也視寵臣之厚

薄以加刑此言罰不當

官之師旅不勝其富

師正也謂官之長旅衆也謂佐

威吾能無篳門闔竇乎唯大國圖之下而無直則

何謂正矣

傳云正直爲正若下之直不能正豈得爲正哉

范宣子曰天子

所右寡君亦右之所左亦左之使王叔氏與伯與

合要王叔氏不能舉其契

要音腰周禮卿士辨其獄訟異其死刑之罪而

要之註謂爲其罪法之要辭如今之劾也疏云使其各爲要約言語兩相辯答伯與辭直王叔無以

應之故不能舉其要契之辭也王叔奔晉不書不告也單靖公爲

卿士以相王室

單頃公之子襄公之孫

庚子癸亥靈王求后于齊靈齊侯問對於晏桓子名弱

要嬰父問對桓子對曰先王之禮辭有之制禮之辭命也

天子求后於諸侯諸侯對曰夫婦所生若而人若

如此也不敬妾婦之子若而人言非適也無女而有姊

妹及姑姊妹則曰先守某公之遺女若而人古人

謂父之姊為姑姊父之妹為姑姊後人從省但謂之姑齊侯許昏王使陰里

結之陰里周大夫結成也

癸卯襄十五年○劉夏逆王后于齊

官師從單靖公逆王后于齊中士下士為官師卿

不行非禮也天子不親迎卿往逆公監之以士逆后故曰非禮

○公羊曰劉夏者何天子之大夫也劉者何邑也

其稱劉何。以邑氏也。外逆女不書。此何以書。過我也。

丙辰襄二
十八年 癸巳天王崩。未來赴亦未書。禮也。實十月

癸巳

○十有二月甲寅。天王崩。不書葬諸候不會也

王人來告喪。問崩日。以甲寅告。故書之以徵過也。

徵明也
一作懲

丁巳襄二
十九年 葬靈王。鄭上卿有事。特簡公在楚子展使印

段往。段公子印孫伯有曰。弱不可。謂官卑也。傳曰。子展

曰。與其莫往。弱不猶愈乎。詩云。王事靡盬。不遑啓

處東西南北誰敢寧處堅事晉楚以蕃王室也

詩小

雅四牡篇靡盬不堅固也落跪處居也引詩言王

事不堅固故不假安今鄭上卿在四方不寧處事

周

景王

名貴靈王子襄二十九年即位昭二十二年崩在位二十五年謚法布義行剛曰景

三十年

○天王殺其弟佶夫王子瑕奔晉

瑕景王子也稱弟

以惡王

初王儋季卒

儋丁甘反靈王弟

其子括將見王而嘆

除服將見

靈王入朝而嘆單公子愆期為靈王御士過諸廷聞其嘆

而言曰嗚呼必有此夫

得朝廷權

入以告王且曰

必殺之不感而願大視躁而足高心在他矣不殺

必害。

感憂感喪也。願大指必有此也。躁急疾也。凡此皆心不在故言動失常。

王曰童

子何知及靈王崩僖括欲立王子佞夫。

靈王子景王弟。佞

夫弗知戊子僖括圍爲逐成愆。

成愆爲邑大夫。

成愆奔平

時。

周邑名。

五月癸巳尹言多劉毅單蔑甘過鞏成。

五子。

皆周大夫。

殺佞夫括瑕廖奔晉。

瑕即王子瑕與廖書曰皆與括之謀故奔。

天王殺其弟佞夫罪在王也。

丙寅昭七年。

單獻公棄親用羈。

獻公靖公子頃公孫襄公曾孫羈寄客也。

十月辛酉襄頃之族殺獻公而立成公。

獻公弟。

戊辰昭九年。

周甘入。

周甘邑大夫。

與晉闔嘉爭閭田。

嘉晉闔縣。

夫大晉梁丙張趯率陰戎伐潁陰戎即陸渾戎潁周邑

王使詹

桓伯辭於晉

桓伯周大夫

曰我自夏以后稷魏駘芮岐

畢吾西土也

魏河東河北縣也在駘東六百餘里駘同卽在始平武功縣所治璧城芮馮翊縣晉縣芮卿是也在魏西南百餘里岐在扶風美陽縣西北在駘西北無百里卽鳳翔府岐山也畢長安縣西有杜山一

及武王克商蒲姑商奄

吾東土也

樂安博昌縣北有蒲姑城在齊城商奄兖州有奄城魯地皆夏諸侯國濱東海

若巴濮楚鄧吾南土也

巴巴郡江州縣也楚南郡江陵縣也鄧長陽鄧縣也

建寧郡南

肅慎燕亳吾北土也

肅慎北夷在玄菟有濮夷地肅慎燕亳在

鴻州荊縣亳云

吾何邇討之有文武成康之建

母弟以蕃屏周亦其廢隊是爲

爲去聲爲周後世廢陸凡弟國當救

濟豈如弁髦而因以敝之

記始冠緇布冠自諸侯下建冠而敝之可也則

弁謂緇布冠髦謂童子垂髦凡加冠禮先用緇布冠歛括垂髦三加之後去緇布冠不復更用如周

針建骨之使晉即棄之不復用也或以弁髦為兩髦事觀者觀沒則不髦如文武成康沒而即棄周

也先王居禱机于四裔以禦魍魎故允姓之姦居

于瓜州

言機机舉四函之一允姓陰戎祖與

伯父

惠公歸自秦而誘以來

僖十五年晉惠公自秦歸二十二年秦晉遷陰澤之

戎於伊川使偪我諸姬入我郊甸則戎焉取之

邑外為郊郊外

鳥甸若非晉誘則戎安取此地

戎有中國誰之咎也后稷封殖天

下今戎制之不亦難乎伯父圖之我在伯父猶衣

服之有冠冕水木之有本原民人之有謀主也

謀主

謂宗族之師長九事皆寡之不敢自專也

伯父若裂冠毀冕拔本塞原

專棄謀主雖戎狄其何有余一人

晉尚如此况戎乎

叔向

謂宣子曰文之伯也豈能改物翼戴天子而加之

以共

翼佐戴奉共敬也

自文以來世有衰德而暴滅宗周

以宣示其侈諸侯之貳不亦宜乎且王辭直子其

圖之宣子說王有姻喪

外親喪

使趙成如周弔且致

閻田與椽及穎俘

致所爭田及送死椽衣及穎所俘椽

王亦使賓滑

執其大夫襄以說於晉晉人禮而歸之

賈滑周大夫

庚午昭十一年

單子會韓宣子于戚

即單成公時晉會視諸侯于戚慈救蔡視

下言徐叔向曰單子其將死乎朝有著定

著定謂朝內列

位佇立定處也

會有表

野會則設表為位亦有定處禮諸侯建旂設旂以為表也

衣有

檜

檜音會也

帶有結

結大帶紐處

會朝之言必聞于表

著之位所以昭事序也

言不徐欲共聞所視不過以明行事之次序

結檜之中所以道容貌也

視不下在二者中所言以道行事之威儀

以命之容貌以明之失則有關今單子為王官伯

而命事於會也

伯長

視不登帶言不過步貌不道容

容容止貌面貌指視下

而言不昭矣

指言

不道不共

貌正不

昭不從

言順

無守氣矣

守氣守身 ○十二月單成

公卒

辛未

周原伯綏

綏原襄公孫伯賈曾孫

厯其輿臣使曹逃

曾群也雷用表臣皆不堪群逃去冬十月壬申朔原輿人逐絞而

立公子跪尋

絞之弟

絞奔郊

周邑

甘簡公無子立其弟

過

簡公其景公子周卿士過即悼公

過將去成景之族

成公景公過先君

成景之族賂劉獻公

定公夏之子周卿士

丙申殺甘悼公而

立成公之孫鮒

鮒音秋即平公

丁酉殺獻太子之傅庚庚

之子過

劉獻公大子之傅名庚皮其子庚過乃悼公黨

殺瑕辛于市

周大夫亦

悼黨

及宮嬖綽王孫沒劉州鳩陰忌老陽子

五子皆悼公黨

甲戌昭十五年

六月己丑王太子壽卒

景王子

秋八月戊寅

王穆后崩

大子壽之母

○十二月晉荀躒如周葬穆后

籍談爲介既葬除喪以文伯宴

即荀躒

樽以魯壹

獻王曰伯氏稱文伯諸侯皆有以鎮撫王室晉獨無

有何也文伯揖籍談伯無辭揖籍談使對對曰諸侯之封也

皆受明器于王室明德之器以鎮撫其社稷故能薦彝

器於王薦獻也彝常也謂宗廟常器晉居深山戎狄之與鄰而

遠於王室王靈不及拜戎不暇言為戎侵伐拜謝不暇其何

以獻器王曰叔氏而忘諸乎叔籍談字而汝也叔父唐叔

成王之母弟也其及無分乎唐叔晉始封君分分器也密須之

鼓與其大路文所以大蒐也大路車也密須姑姓國在安定陰密縣文

王伐之得其鼓車以蒐闕鞞之甲武所以克商也闕鞞亦國名甲鐘甲

唐叔受之以處參虛匡有戎狄參虛實范之次晉分野也匡正也

其後襄之二路

襄王賜晉文公大路戎路

鉞鉞拒也

鉞斧也鉞方空斧也

和酒也

彤弓虎賁文公受之以有南陽之田撫

征東夏

東夏東方之諸侯事在僖二十八年

非分而何夫有勲而不

廢

不廢謂賞賜其功也

有績而載

戰謂書于策也

奉之以土田

有南陽

撫之以彝器

弓鉞之屬

旌之以車服

襄之二路

明之以文章

惟子孫不忘所謂福也福祚之不登叔父焉在

謂晉侯言福祚在晉也

且昔而高祖孫伯鸞司晉之典籍以

爲大政

孫伯鸞晉正卿諡九世祖

故曰籍氏

以官爲氏

及辛有之二

子董之

周人辛有之二子適晉爲大史籍鸞與之共董督晉典籍

晉於是乎有

董史

亦以官爲董氏董孤其後也

女司典之後也何故忘之籍

談不能對賓出。王曰：籍父其無後乎？數典而忘其

祖。

亡祖業定十一年晉獲談之子籍秦踐果無後

籍談歸以告叔向。叔向

曰：王其不終乎？吾聞之所樂必卒焉。今王樂憂若

卒以憂不可謂終。

不終謂不得其終也人之所欲天必從之故所樂者必卒於此

今王樂好在於憂若卒以憂是不能盡其正命故不可謂善終也

王一歲而有三

年之喪二焉。

后與大子也天子絕期唯服三年故后雖期通謂之三年

於是乎

以喪賓宴又求彝器。

以弔喪賓共宴樂又求賈物

樂憂其矣。此

上皆論王所以不終

且非禮也。彝器之來嘉功之由非由喪

也。

諸侯有功故作彝器獻王非由弔喪來獻此言求彝器為非禮

三年之喪雖貴

遂服禮也。王雖弗遂宴樂以早亦非禮也。

遂終事而成之

也古者三年之喪達乎天子是乃正禮春秋之時既葬卒哭則除服王雖不能行三年喪如古禮然亦不當宴樂在未卒哭前謂之亦非禮者承禮王上文求昇器而言此言以喪賓宴為非禮禮王

之大經也

一動而失二禮無大經矣

以喪賓宴又求昇器杜以

既不遂服又設宴樂非也

言以考典

考成也

典以志經

志記也

忘經

而多言舉典將焉用之

此以上皆論王所以為非禮且失禮之罪大而不當

屑屑於末也

丁丑 昭十八年春王二月乙卯周毛得殺毛伯過而

代之

過毛伯衛之後為大夫得過之禘

萇弘曰毛得必亡是昆吾

稔之日也侈故之以而毛得以濟侈於王都不亡

何待

昆吾已姓夏諸侯其國在濮陽縣稔熟也乙卯是昆吾助夏積稔惡與夏同亡之日其亡

以係之故今得殺人奪位

○秋葬曹平公

時三往

者見周原伯魯馬

往者魯會曹葬之人也魯周大夫原壽過之父

與之語

不說學

說音悅

歸以語閔子馬

魯人歸以告子馬

閔子馬曰

周其亂乎夫必多有是說而後及其大人大人患

失而惑又曰可以無學無學不害不害而不學則

苟而可於是乎下陵上替能無亂乎

國內言不學者多然後流

傳及在位大人大人患失位能隨衆亦或於此又

爲言曰人可以不無學無學不爲害也其言如此然

以不害而遂不學則一國之人凡事皆不求義理

之極苟且而以爲可於是下陵躐犯上上廢弛同

下其亂必矣夫學殖也不學將落原氏其亡乎

殖生殖也言學

能立身如物之生殖不學則凋悴而落矣

庚辰二十一年春。天王將鑄無射。鐘名。律中。冷州。

鳩曰。冷。樂官。州。鳩名。王其以心疾死乎。夫樂天子之職也。

夫音樂之興也。有音然後相和成。樂故為樂之興。而鍾音之器也。

有鐘然後考擊成聲。故為音之器用。天子省風以作樂。省風俗作樂。樂以移之。器

以鍾之。鍾聚也。即上鍾字意。謂器以聚其聲音。興以行之。行有所往也。如音皆

黃鍾然後成黃鍾樂。小者不窳。狹細也。大者不擗。擗音盡。橫大也。則和

於物。物則嘉成。杜云。嘉樂告成。今按樂大小適均。則與物相得。而和合。物和則

遂其性。嘉美生。故和聲入於耳。而藏於心。心億則

樂。心與相安。則樂成。意窳則不感。心不能滿。擗則不

聲大則不能容人。心是以感。是以不相感。感實生疾。今鍾擗

心不能容人。是以不相感。感實生疾。今鍾擗

矣王心弗堪其能又乎

辛巳昭二十二年

○夏四月乙丑天王崩

王子朝賓起有寵於景王

子朝景王長庶子起即孟乃朝之傳

王與

賓孟說之欲立之

杜云王語賓孟欲立子朝為大子

劉獻公之庶

子伯也事單穆公

伯也劉狄也穆公單旗也

卑惡賓孟之為人

也願殺之

欲殺賓孟

又惡王子朝之言以為亂願去之

欲去子朝

賓孟適郊見雉鷄自斷其尾問之侍者

曰自憚其犧也

畏其為犧牲自殘毀其形

遽歸告王且曰鷄其

憚為人用乎人異於是犧者實用人人犧實難已

犧何害

犧音祭廟奉祀擇羽毛完具而預寵養之以為牲也言鷄為牲禁籠不當憚但終為

人用而殺之故得耳人則異於鷄蓋人爲犧質能
殺人而不爲人用立世子冕服他日承宗廟如頂
養犧而他日爲宗廟牲也人犧他人爲犧也巳犧
自己爲犧也言犧當巳爲不可使他人爲喻于朝
欲爲世子王當立之不

王弗應夏四月王田北山

田獵也北山
洛北芒也

使公卿皆從將殺單子劉子主有心

疾乙丑崩于榮錡氏

河南鞏縣西有榮錡河

戊辰劉子摯卒

無子單子立劉蚩

金事單子故

五月庚辰見王

王即子摯太子

葬卒猛次正王命代之故後傳云于景之命後王
變朝欲廢猛立朝未成而王卒卑劉以猛次正故
立之但不知猛是太子壽之母弟或是穆之姪
之子或母貴也後云穆右太子壽早夭即世則非
弟弟遂攻賓起殺之

盟群王子于單氏

景王欲廢

子猛單劉立之恐解
王子助子朝故盟之

六月叔鞅如京師葬景王王室亂劉子單子以王猛

居于皇秋劉子單子以王猛入于王城冬十月王子

猛卒

王城邾邾也猛生則書王明實爲嗣死乃稱子正未逾年未成天子之至尊

丁巳葬景王王子朝因舊官百工之喪職秩者與

靈景之族以作亂

百工百官也

帥郊要餞之甲

三邑名要音腰

以逐劉子

即伯

壬戌劉子奔揚

周邑名

單子逆悼王

于莊宮以歸

悼王

即子猛單穆公恐不利故迎王於莊王廟以歸家

王子還

夜取王以如莊宮

還于朝黨不殺使單子得王

癸亥單子出

失

故出奔

王子還與召莊公謀

莊公即召伯真朝黨也

曰不殺單

不捷與之重盟必來背盟而克者多矣從之

謀

樊頃子曰

頃音傾一作頃
即樊齊單劉黨

非言也必不克遂奉

王以追單子

還遂奉王
楚單子

及領大盟而復

領周地重
盟令單劉

復殺摯荒以說

委罪於荒

劉子如劉單子亡乙丑奔于

平時

特單子已還見劉子如采邑不還知齊
盟故出奔平時時音止久音市周地

群王

子追之單子殺還姑殺弱駮延定稠

八子靈景
疾于朝黨

朝奔京

即京系
在開封

丙寅伐之京人奔山

奔山以
自保劉子

入于玉城

即王都時子朝
奔京故得人

辛未鞏簡公敗績于京

簡公周
卿士

乙亥甘平公亦敗焉

甘昭公之
子周卿士

叔鞅至自

京師言王室之亂也閔馬父曰子朝必不克其所

與者天所廢也

群長職
秩人

單子欲告急于晉

頃
秋七

月戊寅以王如平時

杜云戊寅七月三日經書六月誤也

遂如圃車

次于皇

鞏縣西北有黃亭皇水

劉子如劉單子使王子處守

于王城

王子處猛之黨

盟百工于平宮

平王始東遷居王城

故廟在

辛卯鄆勝伐皇

鄆音尋勝子朝黨伐王所在

大敗獲鄆勝

壬辰焚諸王城之市八月辛酉司徒醜以王師敗

績于前城

醜悼王司徒前城于朝所得邑

百工叛

以醜敗故

己巳伐單

氏之宮敗焉

百工伐單氏為單氏所敗

庚午及伐之辛未伐東

圍

單因百工敗及伐之洛陽東南有圍御百工所居邑也

冬十月丁巳晉籍

談荀躒帥九州之戎

杜云九州戎即陸渾戎也十年滅蜀晉州卿蜀也五州

為及焦瑕温原之師

晉四邑

以納王于王城庚申單

子劉蚩以王師敗績于郊郊子前城人敗陸渾于

社社周地前城人子朝衆也十一月乙酉王子猛卒之百在十一月經書

十月誤周人謚為悼王不成喪也未踰年未成天子故不書王崩己丑敬王

即位名句桓毋弟館于子旅氏周大夫十二月庚戌晉籍

談荀躒賈辛司馬督帥師軍于陰籍談于侯氏

軍于谿泉賈辛軍鞏縣西南有明谿泉次于社司馬督王師軍

于汜汜音九周邑于解雒陽西南有大解小解次于任人亦周邑王師分

在此閏月晉箕遺樂徵右行詭濟師取前城軍其

東南三子晉大夫濟師渡伊洛軍前城東南今按傳曰必濟師謂益師以遂其事也王師

軍于京楚辛丑伐京毀其西南特子朝在京

敬王

名旬景王子王猛毋弟昭二十二年景王卒子猛繼立卒昭二十三年即位哀十九

年崩在位四十四年
謚法風夜警戒曰敬

壬午昭二

○晉人圍郊○天王居于狄泉尹氏立王

子朝

狄泉在洛陽城內大倉西南池水也特在城外
定元年城成周方在內立者不直立也且自尹

氏明非周人所欲也
八月乙未地震

二十三年春王正月壬寅朔二師圍郊癸卯郊鄆

潰

二師王師晉師鄆河南鞏縣西南有
地名鄆中郊鄆二邑皆于朝所得
丁未晉師

在平陰

平陰即河陰
縣在開封

王師在澤邑王使告間庚戌

還

時子朝敗故王師
晉開息故晉師還

○夏四月乙酉單子取訾

資屬子朝邑在河南鞏縣西南
劉子取牆人直人

亦屬子朝二邑
六月壬

午。王子朝入于尹。自京入尹氏邑。癸未。尹圉誘劉佗殺之。

圉即尹文公誘劉金族殺之。

丙戌。單子從阪道。劉子從尹道。伐

尹。單子先至而敗。劉子還。己丑。召伯奭。南宮極。以

成。周人戍尹。

臬即召莊公皆周卿士于朝。黨。

庚寅。單子。劉子。樊齊。

以王如劉。

避于朝。自王城出居劉子也。

甲午。王子朝入于王城。

次于左巷。

近東城。

秋七月戊申。鄆羅納諸莊宮。羅鄆之

子尹辛敗劉師于唐。

尹辛尹氏族唐周地。

丙辰。又敗諸鄆。甲

子尹辛取西闈。

周地。

丙寅。攻蒯。蒯潰。

河南縣西南蒯鄉是也。於是敬

王君扶泉尹氏立子朝。

○八月丁酉。南宮極震。

杜云經書乙未地。震魯地。

也。丁酉。南宮極震。周地。亦震也。爲皆半墜而死。

葛弘謂劉文公曰。君其勉。

之先君之力可濟也。

文公劉公也。先君謂公之祖父也。

周之亡也。

其三川震。

三川涇渭洛也。謂幽王時。

今西王之大臣亦震。

子朝在王

城爲西王

天棄之矣。東主必大克。

敬王在成周即狄泉在王城東爲東王

昭未

二十四年春王正月辛丑召簡公。

召莊公子召伯盈也

南宮嚚。

南宮極之子

以苒桓公。

苒平公之子

見王子朝。劉子

謂長弘曰。苒氏又往矣。對曰。何害。同德度義。

度度量也

德行道而有得於心也。義宜也。制事達時之道也。書泰誓篇。文言彼此同德則事合宜者。勝子朝既

無德多人何足患哉

大誓曰。紂有億兆夷人。亦有離德。余有

亂臣十人。同心同德。此周所以興也。

夷平也。夷人言其知識不

相上下也。亂臣治臣也。言紂雖衆無德。武王雖寡有德。此商所以亡。周所以興也。今書作受。有億兆

夷人同心同德君其務德無患無人戊午王子朝入于鄆

在開封西南杜云○三月庚戌晉侯使士景伯涖

問周故士伯立於乾祭而問於介衆乾祭王城北

於王城北門而問大衆晉人乃辭王子朝不納其使兼言子

○六月壬申王子朝之師攻瑕及杏皆潰皆敬鄭

伯如晉鄭定公子大叔相和相見范獻子獻子曰

若王室何對曰老夫其國家不能恤敢及王室抑

人亦有言曰嫠不恤其緯而憂宗周之隕爲將及

焉嫠寡婦織爲業者不憂緯之少今王室實蠢蠢

焉而憂周國隕亡恐禍及已也吾小國懼矣然大國之憂也吾儕何知焉

吾子其早圖之

言王室亂鄭雖如螻蟻懼禍及已然國小位卑此乃吾盟主之事非已

取與知而獻子所當謀也

詩曰餅之罄矣惟壘之恥王室之不

寧晉之恥也

小雅豳義篇餅小壘大皆酒器燕賁於壘若瓶罄盡是壘爲無餘故恥之

獻子懼而與宣子圖之乃徵會於諸侯期以明年

○冬十月癸酉王子朝用成周之寶珪于河甲戌

津人得諸河上

神不交故陰不佞以溫人南侵不佞敬

時王在東故南侵王子朝

拘得王者取其王將賣之則爲石王

定獻之與之東訾

及敬王定位又成王不佞獻之王與之色董勝西南訾城是也

甲申昭二十五年

○夏叔詣會晉

項趙鞅宋元

樂大心衛靈

北宮喜鄭

定游吉曹悼

人邾

莊人滕悼

人薛獻人小

邾

人于黃父

父音府大心
公作世心

夏會于黃父

即黑壤
晉地

謀王室也趙簡子令諸侯之

大夫輸王粟具成人曰明年將納王子大叔見趙

簡子簡子問揖讓周旋之禮焉對曰是儀也非禮

也簡子曰敢問何謂禮對曰吉也聞諸先大夫子

產曰夫禮天之經也

經者經緯之經縱橫成物也
天道生物合流變化故曰經

或以爲常
道亦通

地之義也

義者宜也等差不同也地
道成物品類散殊故曰義民

之行也

行者人所履
也行去聲

天地之經而民實則之

言人
實法

天地言經不
言義省文也

則天之明

明易見顯明也法
其經之條理顯明

因地之

性

性一定之
天地人之

理也因其義有一定之理此言禮乃
經義行而人實能盡天地經義以爲

行也。生其六氣。生有物爲根而生之也。六氣陰陽風雨晦明也。用其五行。

之見於用也。五行金木水火土也。氣爲五味。氣薰蒸也。五味酸醎辛苦甘也。發爲

五色。發有形可見也。五色青黃赤白黑也。章爲五聲。章有聲可聞也。五聲宮商角徵

也。淫則昏亂，民失其性，是故爲禮以奉之。淫過也。此言天

地之六氣五行五味五色五聲各有節，文人若過之則昏迷亂惑失其性，故聖人制爲禮有儀則以

奉承天地不使過其度禮爲六畜五牲三犧以奉

之義。始此下條其事之日。

五味。六畜馬牛羊雞犬豕也。五牲麋鹿麀狼兔也。三犧祭天地宗廟之犧也。始養之曰畜，將用

之曰牲，羽毛爲九文六采五章以奉五色。九文即先具曰犧。毛爲九文六采五章以奉五色。山龍華

蟲藻火粉米黼黻六采，天地四方之色。青白赤黑玄黃也。五章，青赤之文，赤白之章，白黑之黼，黑青爲九歌八風七音六律以奉五聲。九歌六府

三事也八風八方之風也七音官商角徵羽變宮

變徵也六律黃鍾大簇姑洗蕤賓夷則無射仲呂

林鍾大呂夾鍾為君臣上下以則地義君上臣下

有不可移故曰則地義此解上因地性意為夫婦外內以經二物法也

夫外婦內經其陰陽此解為父子兄弟姊妹甥舅

上天地經而民則之意昏媾姻亞以象天明父姊妹曰姑女兄曰姊姊妹

父曰昏重昏曰媾婿父曰姻兩婿相謂曰亞九族

親踈自然條理有不可誣故曰象天明此解上則

天明意為政事庸力行務以從四時為刑罰威獄使

民畏忌以類其震曜殺戮為溫慈惠和以效天之

生殖長育政大體事條目民功曰庸治功曰力行

之分者威可畏也獄罪人也震雷曜電也殺戮謂

霜雪也此自從秋冬言溫慈所以效生殖惠和所

以教長育此自從春夏
言此辨上用其五行意
民有好惡喜怒哀樂生于

六氣是故審則宜類以制六志
賦則物則之則自稟
賦言類事類之類

白應接言審察六志法則使與事得宜而無過不及之差以節制六志即為禮奉六氣也下列其目

哀有哭泣樂有歌舞喜有施舍怒有戰鬥喜生于

好怒生于惡是故審行信令禍福賞罰以制死生

生好物也死惡物也
歌發於聲舞動於形施與所

當與也舍危所應危也皆陳曰戰力爭曰鬪此即制禮審則宜類以制喜怒哀樂行施為也令號令

也審則不差信則不易禍福賞罰即所行所令事言喜怒哀生于好惡行令四者以制死生然生即好

物死即惡物是即制好惡也此好物樂也惡物哀

也哀樂不失乃能協于天地之性是以長久
六上言志

喜怒哀樂則生死通六志言也。若哀樂不失則類乃能和協於天地陰陽風雨晦明之六氣與天地流通不生疾而悠久自民有好惡至此皆釋上文生其六氣意。簡子曰：甚哉禮之大也。對曰：禮上下之紀。

天地之經緯也。民之所以生也。經緯錯綜以相成者是以先

王尚之。故人之能自曲直以赴禮者。謂之成人。直曲

謂兼大過補不足也。太不亦宜乎。簡子曰：鞅也。請終身守此

言也。宋樂大心曰：我不輸粟我於周為客。若之何

使客。二王後為賓客。晉士伯曰：自踐土以來。即士彌年

宋何役之不會。而何盟之不同。曰：同恤王室。子焉

得辟之子奉君命以會大事。而宋背盟。無乃不可。

乎。右師不敢對受牒而退。

右師樂大心也。牒入士果之數書於簡牒也。

伯告簡子曰：「宋右師必亡，奉君命，以使而欲背盟。」

以干盟，主無不祥大焉。

言不善無大此者，定十年大心果出奔。

○壬

申，尹文公涉于鞏，焚東訾，弗克。

涉，涉洛水也。鞏，縣東有東訾，乃敬王

邑。

乙酉昭二十六年

四月，單子如晉告急。五月，戊午，劉人敗

王城之師于尸氏。

敬王在劉邑，子朝在王城，劉人劉邑之人也。尸氏在偃師縣西。

二十里

戊辰，王城人劉人戰于施谷。

周地。劉師敗績。

○七月，己巳，劉子以王出。

去劉

庚午，次于渠。

周地名。

王城人焚劉，丙午，王宿于楮氏。

楮，陽縣南有楮氏亭。

丁丑，王

次于崔谷

崔音九周地

庚辰王入于晉靡

周邑本鄭邑

辛巳

王次于滑

滑鄭邑本鄭邑

晉知轅趙鞅帥師納王使汝寬

守闕塞

女寬晉大夫闕塞洛陽西南伊闕口也守以備子朝

○冬十月天王入于成周尹氏召伯毛伯以王子朝

奔楚

冬十月丙申王起師于滑辛丑在郊

郊于朝邑

遂次于

尸

尸即尸氏

十一月辛酉晉師克鞏召伯盈逐王子朝

盈本于朝黨見敗故逐之以逆敬王

王子朝及召氏之族毛伯得尹

氏固南宮嚚奉周之典籍以奔楚陰已奔莒以叛

忌于朝黨以周言邑叛

召伯逆王于尸

即召伯盈

及劉子單子盟

遂軍圍澤

周地

次于隄上

周地

癸酉王入于成周

今洛陽

甲戌盟于襄宮

在成周

晉師使成公般戍周而還

成公

般音班大夫

十二月癸未王入于莊宮

在王城

王子朝

使告于諸侯曰昔武王克殷成王靖四方康王息

民並建母弟以蕃屏周亦曰吾無專享文武之功

且爲後人之迷敗顛覆而溺入于難則振救之

言三

王連母弟爲諸侯以蕃衛屏蔽周亦曰使共享文武土地且爲周之子孫昏亂危亡皆溺於難者使

諸侯因振救之言此以責諸侯

至于夷玉

厲王父

王愆于厥身諸侯

莫不並走其望以祈王身

愆同下愆災也言有疾爲身之災也杜以爲惡

疾非望群望也言夷王矣而諸侯爲諸侯也

至於厲王王心戾營萬民

弗忍居王于彘諸侯釋位以間王政宣王有志而

後效官

庚申庚雷暴雷也弗忍不堪也言民不堪其矣雷故居之於彘諸侯皆去國執王事

至其子宣王復位方以王事長於官而後歸國間問則之間

至于幽王天不弔

周王昏不若用愆厥位攜王奸命諸侯替之而建

王嗣用遷郊郟

幽王宣王子弔性若順於道也愆位謂相繼之位至是變亂而為災

也攜王幽王少子伯服也王嗣宜曰也幽王后申姜生大子宜臼後寵棄姒生伯服欲立之而殺大

子大子奔申中伯與郟及西戎伐周殺王于戲諸侯廢伯服立宜臼是為平王東遷郊郟此即愆位

事汲冢書紀年云平王奔西申而立伯盤以為大子與幽王俱死于戲先是申侯魯侯及許文公立

平王於申以本大子故稱天王幽王既死而虢公翰又立王子余臣於攜周二王並立二十一年攜

王為晉文公所殺以本非適故稱攜王素此則非伯服也則是兄弟之能力

於王室也。

指上三節

至於惠王，天不靖周，生頹禍心，施

於叔帶，惠襄辟難，越去王都，則有晉鄭咸黜不端。

以綏定王家。

施去聲及也。咸皆也。不端不正也。言天不靖周，生頹包藏禍心，以及叔帶。

作亂故惠王適鄭，襄王處汜以避之，鄭厲公殺子頹，納惠晉文公殺叔帶，納襄以安定王室。則

是兄弟之能率先王之命也。

先王建兄弟圖振救周難，今晉鄭定周是

能率命在定王六年，秦人降妖，曰：周其有頹王，亦克

能脩其職，諸侯服享。二世共職，王室其有間，王位

諸侯不圖，而受其亂災。

定王襄王孫定六年，即魯宣公八年也。衣服歌誼草

木之怪謂之妖，頹口上頹也。言秦地妖言曰：周有頹王，能脩君職，諸侯服從，來朝脩臣職，止二世後

有奪王位者，諸侯不謀之而受其難。本謂于朝，今反以爲王猛也。至于靈王生而

有頹王甚神聖無惡於諸侯靈王景王克終其世

今王室亂單旗劉狄剝亂天下壹行不若單旗穆公也劉

謂先王何常之有唯余心所命其誰

敢討之言二子謂古人立嗣無常惟我心所欲則命立之人必不敢非而討之也帥群

不弔之人不弔不為天弔恤之人也以行亂于王室謂立侵欲

無厭規求無度規取也貫瀆鬼神貫習也慢棄刑

法倍奸齊盟倍同背違也奸犯也齊傲狠威儀矯

誣先王矯詐託也誣罔也言晉為不道是攝是贊

思肆其罔極攝佐助也贊相也茲不穀震蕩播越

震蕩驚動也播越遷踰也簞在荆蠻未有攸底攸所底若我一

二兄弟甥舅

兄弟同姓國甥舅異姓國

獎順天法無助狡猾以

從先王之命毋遠天罰赦圖不殺則所願也

獎勸使也

天法上下自然之禮法也狡猾指單劉先王之命即下文立長類是也速召也天罰謂前問王位亂災之罰也赦謂寬其亂災圖謂謀其復位言諸侯不當助單劉而當立已也孔註天罰甚謬敢

盡布其腹心及先王之經而諸侯實深圖之昔先

王之命曰王后無適則擇立長年鈞以德德鈞以

卜

言王后無嫡子則擇立庶子之長子若庶子年皆鈞則擇有德者立之若年鈞而德又鈞則擇

卜古者

王不立愛

君從是命不敢立愛子

公卿無私

臣從是命不敢

有私

古之制也穆后及大子壽早夭即世單劉贊

私立少以間先王亦唯伯仲叔季圖之

贊成其私立庶子之

少以問先王無私擇長之命亦惟諸侯謀之也 閔馬父聞子朝之辭閔馬父

夫大曰文辭以行禮也子朝于景之命遠晉之大以

專其志無禮甚矣文辭何爲

丙戌昭二十二月晉籍秦致諸侯之戍于周秦籍

十七年子秋晉會宋衛曹邾滕于魯人辭以難時公避於齊

戊子昭二三月己卯京師殺召伯盈尹氏固及原

伯魯之子皆子朝黨稱原伯魯子終不說學尹固之復也與子朝奔楚還

有婦人遇之周郊尤之尤罪也曰處則勸人爲禍行

則數日而反是夫也其過三歲乎夏五月庚寅王

子趙車入于鄆以叛鄆音葦周邑趙車子朝黨陰不佞敗之

辛卯昭三
十二年

○冬仲孫何忌會晉

韓不信齊

景高張

宋景仲幾衛

世叔申鄭

國參曹

人莒

人薛

襄人杞

人小邾人城成周

世叔穀作大叔莒人下公有邾婁人穀有邾人

秋八月王使富辛與石張如晉

富辛石張皆周大夫請城成

周

即洛陽子朝亂餘黨多在王城敬王畏之徙邾成周以狹小故請城之

天子曰天

降禍于周俾我兄弟並有亂心以爲伯父憂我一

二親睚錫舅

同姓親雅國異姓甥舅國

不皇啓處於今十年

勤王謂二十二年國郊

勤戍五年

勤勞于戍守謂二十八年政戍

余一人無

日忘之閔閔焉如農夫之望歲懼以待時

閔閔憂貌如農

夫憂亂望歲豐恐懼以俟時發

伯父若肆大惠

肆展

復二文之業

晉文侯仇文公重耳弛周室之憂，徵文武之福，以固盟主。植

立堅也。盟主，周自謂也。宣昭令名，宣布昭明也。令名，則余一

人有，大願矣。昔成王合諸侯城成周，以爲東都，崇

文德焉。合諸侯城成周，即召誥所謂周公乃朝用書命蒞殷侯，甸男，邦伯是也。崇，尊尚也。言

周公相成王，營洛邑以爲京師之東都。崇，文教之德化四方其實。周公居洛而成王未嘗留也。謂之

成周者，以周道成於此也。今我欲徵福假靈於成王，脩成周之

城，俾成人無勤，諸侯用寧，螫賊遠屏，晉之力也。其

委諸伯父，使伯父實重圖之，俾我一人無徵怨于

百姓。徵，召也。而伯父有榮，施先王庸之。晉有榮顯之

之靈以爲功。范獻子謂魏獻子曰：與其成周不

如城之。天子實云。雖有後事。晉勿與知。可也。從王

命以紓諸侯。晉國無憂。是之不務而又焉。從事魏

獻子曰。善。使伯音對。即韓不信曰。天子有命。敢不奉承。

以奔告於諸侯。遷速衰序於是焉在。衰等也。遷。韓

序皆從周命冬十一月。晉魏舒韓不信如京師。合諸侯

之大夫於狄泉。成周城內尋盟。十三華晉會諸侯於平丘見晉且令城

成周。魏子南面。舒君位衛虜僕曰。衛大魏子必有大

咎。干位以令大事。非其任也。詩曰。敬天之怒。不敢

戲豫。敬天之渝。不敢馳驅。詩大雅板之篇渝變也况敢干位

以作大事乎。己丑。士彌牟營成周。計丈數。計城周圍丈數

揣高卑。

杜云度高曰揣度城高下

度厚薄。

量城內外厚薄

仞溝洫。

杜云

曰仞溝

大洫小土方。

杜云物相也相取土之方面

今按以物爲限而分取土也

議遠

邇

議役徒之遠近

量事期。

定事畢限期

計徒庸。

約用人多少

慮財用。

書餼糧以令役於諸侯。

彌年以上數事令役於諸侯

屬後賦文。

書以授帥而效諸劉子。

又屬各國所當役人數頒各國所當城丈數書以授

於諸侯大夫帥而效致於周卿士使有定法按國語劉子劉文公卷也

韓簡子臨之。

以爲成命。

簡子泣其事一依彌年所爲

士履定元年

○三月晉人執宋仲幾于京師。

元年春王正月辛巳晉魏舒合諸侯之大夫于狄

泉。

城在王

將以城成周魏子泣政。

代天子大夫

衛虓孫白。

衛大將建天子而易位以令。非義也。大事奸義必

夫。有大咎。晉不失諸侯。魏子其不免乎。是行也。魏獻

子屬後於韓簡子。及原壽過。簡子即不信韓起孫

以役事而田於大陸。焚焉。杜云大陸禹貢在鉅鹿

託之也還卒於甯。即脩武縣范獻子去

其柏棹。去析柳以示貶以其未復命而田也。孟懿

子會城成周。庚寅。裁。謂樹立宋仲幾不受功。曰。滕

薛。鄉。即小邾吾後也。三國乃已後使之薛宰曰。宋為

無道。絕我小國於周。以我適楚。故我常從宋。文

公為踐土之盟。曰。凡我同盟。各復舊職。若從踐土

若從宋亦唯命仲幾曰踐土固然固曰從薛薛薛

宰曰薛之皇祖奚仲居薛以爲夏置王奚仲遷于

邳皇大也奚仲始封薛爲禹仲虺居薛以爲湯左

相仲虺乃奚仲十二世孫爲湯左相若復舊職將承王官仲虺

奉天子何故以後諸侯仲幾曰三代各異物薛焉

得有舊言居周世不得爲宋後亦其職也士彌牟

曰晉士晉之從政者新范獻子子姑受功歸吾視

諸故府求故仲幾曰縱子忘之山川鬼神其忘諸

乎言盟誓時告士伯怒謂韓簡子曰薛徵於人宋

徵於鬼宋罪大矣且已無辭而抑我以神誣我也

微質証也薛証前代人事不役諸侯可知宋啓寵

証山川鬼神薛爲宋役不可知却沮誣罔也

納侮開懼過分則自受納其侵侮

其此之謂矣必以仲幾爲戮

乃執仲幾以歸三月歸諸京師城三旬而畢乃歸

諸侯之戍齊高張後不從諸侯

高張後至不及從後

晉女叔

寬曰周襄弘齊高張皆將不免襄弘違天

天厭周弘欲遷

都以

高子違人

諸侯相率以崇天子而高子後期

天之所壞不可

支也衆之所爲不可奸也

支持也奸犯也哀二年襄六年高張出奔

○公羊曰仲幾之罪何不襄城也

註若今以草衣城是也其

言于京師何伯討也伯討則其稱人何貶曷爲貶

不與大夫專執也曷爲不與實與而文不與文曷

爲不與。大夫之義不得專執也。周鞏簡公棄其子

弟而好用遠人。

棄親用踈

癸巳定

二年夏四月辛酉鞏氏之群子弟賊簡公。

以棄

親用踈故也

乙未定四年

○劉卷卒。○葬劉文公。

即劉玄子桓公嗣

丙申定

五年春王人殺子朝于楚。

時吳入郢楚亂

丁酉定六年

周儋翩率王子朝之徒因鄭人將以作亂。

于周。

儋丁其反翻音篇鄭缺公

鄭於是乎伐馮滑胥靡負黍狐

人闕外。

周六邑陽城縣西南有負黍亭

六月晉閻沒戍周且城胥

靡。

晉使閻沒戍周且某城

○冬十二月天王處于姑猶。

猶音由周

北辟儋翩之亂也。

定 戊戌 七年春二月周儋翩入于儀栗以叛。儀栗周邑。○

夏四月單武公。穆公子劉桓公。文公敗尹氏于窮

谷。尹氏復黨○冬十一月戊午單子劉子逆王于

慶氏。慶氏守姑晉藉秦送王。籍陵己巳王入于王

城館于公族黨氏而後朝于莊宮。黨音寧

八年 定 二月己丑單子伐穀城。在開劉子伐儀栗。

辛卯單子伐簡城劉子伐孟以定王室。

巳酉 哀 三年 烈氏范氏世為婚姻。長弘事劉文公。烈為

公 屬 故 周 與 范 氏。與助也周助趙鞅以為討六月

癸卯周人殺萇弘。

乙丑哀十九年

冬叔青如京師敬王崩故也。

世族譜敬王四十二年崩

子元王十年春秋之傳終矣則崩在哀廿七年

記在十八年世本在二十年六年齊景公之二十七年

及本紀昔云元王八年崩子定王

立定王元年是齊哀公之二十七年

春秋左傳類解周卷之一終